

# საჩუქარი



კულაკი (ყოფილ თავმჯდომარეს — ოპორტუნისტს): — ეს რა ჰქენი? აკი დაგარიგეთ, რომ ისეთი არაფერი წამოგედუნოდა, რაც ჩვენს ხაზს გამოაშუქარებდა. სიტყვით ჩვენს წინააღმდეგ უნდა ყოფილიყავ, ხოლო საქმით ჩვენსკენ!



ბათლომესთვის, რომ გეკითხათ, ის არც მემარჯვენე იყო და არც „მემარცხენე“. ნამდვილად კი მემარჯვენეც იყო და „მემარცხენეც“, უკეთ რომ ვთქვათ — მემარჯვებელი იყო.

თქვენ რომ მისთვის გეწოდებით მემარჯვენე ან მემარცხენე, ის ამით არ აღშფოთდებოდა და პასუხს მოგცემდა:

— არც მემარჯვენე ვარ, არც „მემარცხენე“; მე ვიდექი და ვდგევარ პარტიის გენერალურ ხაზზე; მე სხვებსაც ვთუთაყუწი არ გახლავარ, თუ მემარჯვენეს სწორი აზრი აქვს, ის უნდა მივიღოთ, თუ „მემარცხენე“ სამართლეს ამბობს, მას უნდა დაუჯეროთ! — და ბათლომე აღნიშნავდა მემარჯვენე - „მემარცხენეების“ თეორიის მთელ რიგ დებულებებს, რომლებიც მას სწორად მიაჩნდა.

— მართალია, ისინი ბევრ რამეში ცდებიან, მაგრამ დღეს ვინც არ ცდება. შეცდომა რომ არ იყოს, მაშინ არც თვითკრიტიკა იქნება საქარო.

— ჩემი აზრი ასეთია:—ამბობდა ის—რაშიაც ამხანაგები ცდებიან, უნდა მიეთითოს მათ შეცდომებზე, რაშიაც არ ცდებიან, უნდა დავეთანხმოთ.

ასეთ ორჭოფოლ — მემარჯვებელ — ოპორტუნისტულ პოზიციას ადგა ბათლომე უკანასკნელ დრომდის, სანამ მას კომუჯრედის სხდომაზე პირდაპირ არ დაუსვეს საკითხი:

— ბოლოს და ბოლოს გვითხარით, ბათლომე, ვინა ხართ, რა ხართ, ვის ემხრობით, ვისთან და საით მიდიხართ?

— როგორ თუ ვის ემხრობი? რას ამბობთ, ამხანაგებო! განა ექვი შეგდით იმაში, რომ მე არც მემარჯვენე ვარ და არც „მემარცხენე“? მე, ამხანაგებო, თავიდანვე გენერალურ ხაზზე...

— ვიცით, ამხანაგო ბათლომე, — შეაწყვეტინა მას სიტყვა კომუჯრედის მდივანმა, — შენ ის გვითხარი — უარყოფ თუ არა მემარჯვენეების და „მემარცხენეების“ ოპორტუნისტულ შეხედულებებს მთლიანათ?

— მე არ მესმის ასე კითხვის დაყენება! — გაკვირდა ბათლომე.

— კითხვა სწორად არის დაყენებული! — გაისმა ხმები.

— მე, ამხანაგებო, პარტიის გენერალურ ხაზზე....

— ვიცით, ამხანაგო ბათლომე, რომ შენ გენერალურ ხაზზე დგებარ სიტყვით; გვინდა ვიცოდეთ — საქმით ვინ ხარ? გვითხარი, უარყოფ თუ არა მემარჯვენე-„მემარცხენეების“ ოპორტუნისტულ შეხედულებებს? — გაისმა კვლავ ხმები.

— ამხანაგებო, მე პროტესტს ვაცხადებ ასეთი ძალადობისათვის. თქვენ არ მადღვეთ აზრის გამოთქმის საშუალებას.

კომუჯრედის მდივანმა მოუწოდა წესრიგისათვის. ბათლომემ განაგრძო სიტყვა. ორჭოფულად და მიკიბულ-მოკიბულად შეეხო მემარჯვენე-„მემარცხენეების“ შეცდომებს...

ამავე დროს აღნიშნა ისიც, თითქოს პარტიის ზოგიერთი წევრები მემარჯვენე - „მემარცხენეებთან“ ბრძოლაში აჭარბებდნენ.

— მესმის, დაუნდობელი ბრძოლა ბურჟუაზიულ პარტიებთან, მესმის ვებრძოლოთ შეუბრალებლად მტრებს, მაგრამ არ მესმის მემარჯვენე - „მემარცხენეებთან“ ისეთი ბრძოლა, როგორც ჩვენ ვაწარმოებთ. ისინი ხომ ჩვენი ამხანაგები არიან! მათ ჩვენ ამხანაგურათ უნდა ველაპარაკოთ.


ბათლომეს საკითხმა გამოიწვია მწვავე კამათი.

ყველა იმ აზრს გამოთქვამდა, რომ ბათლომე თვალთმაქცობას ეწეოდა და მემარჯვენე - „მემარცხენეებთან“ მემარჯვებლობის როლს თამაშობდა.

კომუჯრედმა დაადგინა: „ბათლომე ქანობაშვილი გამოიცილოს იქნას პარტიის რიგებიდან“.

კომუჯრედის დადგენილება გადაეცა საკანტროლო კომისიას დასამტკიცებლად.

ყუმბარა.



## მიმაგრებულნი

ადგილებზე მიმაგრებული ამხანაგები არ მიდიან დანიშნულების ადგილზე და განაგრძობენ ქალაქში ყოფნას.

— გელოდებით ყარაიხში... ბამბის დამზადების გეგმა...

— კაცო როგორ გამიჭირვებ საქმე. ჩამომიტანეთ ბამბა, ქალაქში და აქ მივიღებ!

მოდით აქ და არჩევამდე  
 გადავავლოთ ყველას თვალი.  
 ღირსეული ავირჩიოთ,  
 მოვიხადოთ ჩვენი ვალი.

მემარჯვენე - „მემარცხენე“  
 „ხელი ხელს ჰბანს, პირი—პირსო“.  
 იმეორები გაუცრუვდათ,  
 ორივენი მწარედ სტირსო.

პარმენ სოფლის კულაკია,  
 იგი არის ჩვენზე მწყარალი.  
 კოლექტივი დავაარსეთ,  
 პარმენ დარჩა ხანამშრალი.

ჩვენმა მღვდელმა ანათორა  
 შეიკერა გრძელ ხალათად.  
 თმა და წვერი შეიკრიჭა,  
 ეხლა დადის ის ხალვათად.

ეკლესია ჩვენს სოფელში  
 გადაკეთდა უკვე კლუბად;  
 ხუცესი და დიაკვანი  
 ბუზღუნებზე ორნივე რაჟადად.

მთელი სოფლის რადიოა  
 ჩვენი ხუცის ფოფოლია.  
 პარიზიდან მენშევიკებს,  
 ელოდება, არ მოდიან.

ჩვენი სოფლის აზნაური  
 აბალახებს მინდვრად ძროხას.  
 ხანჯალს მაინც არ იშორებს,  
 შემოება კალთა ჩოხას.

ღღეს ტრაქტორი მოგუგუნდა,  
 მტრებს გაუჩნდათ გულის-მანკი.  
 მღვდელს კულაკი ანუგეშებს,  
 კულაკს — მღვდელი, (რა ჰქნან ან  
 კი?!).

ღიბი ჰქონდა წინედ დიდი,  
 როგორც ტიკში მაჭარია.  
 მას თქვენ ყველა გამოიცნობთ,  
 ის ყოფილი ვაჭარია.

ბიუროკრატს ავტო უყვარს,  
 ყვირილი და ტელეფონი.  
 ისემც შამა უცხონდება,  
 რომ გასცუროს ღელე, ფონი.

ეჭიშბაში მოსთქვამს, სტირის.  
 საეჭიშო გახსნეს პუნქტი.  
 ეჭიშბაშთან არ ვინ მიდის,  
 წამლობა აქვთ ყველას მუჭითი.

აღმასკომის თავმჯდომარის  
 ღვინო უნდა ორი ჩაფი.  
 არჩევნებში ელოდება  
 ქონიანი მას ნიჩაფი.

საღებავით ტურს იღებავს  
 ალესვინებს ფრჩხილებს დალაქს.  
 კაბა მუხლზე არა სწვდება  
 და აცინებს სოფელს, ქალაქს.

ყველა ამათ საბჭოსავან  
 უნდა ვუყოთ „განი-განი“.  
 საბჭოებში ვერ გაძვრება  
 ველარც ერთი ამათვანი.

საბჭოებში ჩვენ ავირჩევთ  
 მუყაით და ნამდვილ მშრომელს  
 ვინც ქმნის ახალ ქვეყანას და  
 შრომას მისდევს დაუცხრომელს.

გლენიშვილი.





სამი წელია პარტიის კანდიდატათ ითვლება დიმიტრი.

— რა ხარები გყავს, რა ხარები დიმიტრი ჩემო, ვაგ ხარების და ცხენ-უნაგირის პატრონს პარტიაში ვინ მიგიღებს?

— ინგლისიდან გამოიწერე ეგ ღორები თუ სად მხოვე?

— რამდენს იწველის ეგ შენი ძროხები მიტრო? ასე ეკითხებოდნენ ხშირად პარტკანდიდატს, სოფლის საბჭოს თავმჯდომარის მოადგილე დიმიტრის.

— თითქმის კულაკია ეგ პირშავი, — ამბობდა ერთი.

— გაჩუმდი კაცო, პარტკანდიდატი, საბჭოს თავმჯდომარის მოადგილე კულაკი შეიძლება იყოს? მაგას ჰლებათ ეკუთვნის...

— კარგი თუ კაცი ხარ, კულაკობა ეკუთვნის? ასევე წესი არ არსებობს...

— დაესტოთ კულაკობას, როგორც კლასს, — ხმა მალდა გაიძახოდა დიმიტრი კრებებზე. — მაგრამ ამ სოფელში კულაკი არავინაა... ამიტომ იერიში მეზობელ სოფლებზე უნდა მივიტანოთ და მათ დავეხმაროთ კულაკების მოსპობაში!

— კულაკი? თავზე საყრელად გყავს ჩვენი! — შეეკამათებოდა ვინმე.

— ეგ „მემარცხენე“ — მემარჯვენეობაა, ამხანაგო! აქ კულაკი არავინაა და შენ კლასობრივ ხაზს ამრუდებ! მაგისათვის იცი რა მოგელის?!.

„იქნებ მართლა ვავამრუდე ხაზი“, — შეექვდებოდა მოკამათე და გაჩუმდებოდა.

ყველას უკვირდა ისიც, რომ იმ სოფელ ფაფუკში კულაკებს არც ინდივიდუალურათ ბეგრავდნენ, არც ზედმეტს ახდევინებდნენ, არც განსაკუთრებული ბეგართა ტვირთავდნენ.

— ვისი წყალობითაა ნეტა ასეთი შეღავათები? — კითხულობდნენ გლეხები.

— ვითომ არ იცი ვისით! ჩვენი მიტრო სარგებლობს, რომ თავმჯდომარე კურსებზეა გაგზავნილი და...

— სსსუთ, ვაუო, არ გაგიგოთ, თორემ...

მოისვენეს „საწყალმა“ კულაკებმა. თავს მშვენივრად გრძნობდნენ და მადლობის ნიშნად დიმიტრის ხშირად უმართავდნენ ქეიფს.

დადგა გადამწყვეტი ჟამი: სოფ. ფაფუკის საბჭო წარსდგა საანგარიშო მოხსენებით ამომრჩეველთა წინაშე. ჩამოვიდა მუშათა ბრიგადის ორი წევრი. დიმიტრი იმ დღესვე დაპატიჟა ორივე.

— თქვენი ჩამოსვლა ჩვენთვის საზეიმო შემთხვევაა... ამ პატარა სასმისით ვსვამ თქვენს სადღეგრძელოს, — და მიტრომ კვარტიანი ყანწი მოიყუდა, — ალავერდი თქვენთან!

— ჩვენ მაგით არ ვსვამთ, თითო-ოროლა ჭიქა საკმარისია!

— გამომისვით დანა ყელში! ეგ რომ არ დალიოთ, დიდათ მაწყენინებთ...

გაკერბდნენ ბრიგადელები. რაღაც ორიოდე ჭიქა ღვინო შესვეს.

გათენდა დილა.

— თქვენთვის ცხენები მზად არის, ამხანაგებო, — მხიარულად შეალო მასპინძელმა დიმიტრიმ კარი.

— ცხენები? რატომ?

— რატომ? — დაიბნა დიმიტრი, — თქვენ ხომ აქ

არ დარჩებით, ანგარიშს აქ ისეც ჩავაბრუნებთ, თქვენ მეზობელ სოფლებს უშველეთ, იქ კულაკებით საცხეა ყველაფერი... აქ არც კულაკები გყავს და ხალხიც შეგნებულა...

გაჯიუტდნენ ბრიგადელები. დარჩენ საანგარიშო კრებაზე.

— ჩვენი ყველაზე მეტი მიღწევა, — დაიწყო კრებაზე დიმიტრიმ, — ის არის, რომ ამ სოფელში არავითარ გადახრებს არ ქონია ადგილი და ორ ფრონტზე ბრძოლით მტკიცედ ვატარებთ ხაზს... კულაკები მოვსპვით და საბჭოც გავაჯანსაღეთ, შიგ უმთავრესად ბეჯითი და კარგი ოჯახის პატრონი გლეხები შევიყვანეთ... თვით ჩვენი ღვდელიც იმდენათ მოჭკვიანდა, რომ გაიკრიჭა, პლატფორმაზე დადგა და ახლა საკრედიტო ამბ-ბაში მუშაობს მოლარეთ, დიაკვანიც ეპოში მოვაწყეთ ნოქრათა. ასე, რომ ჩვენში ანტისაბჭოთა ელემენტები აღარ არიან. რაღაც საშინელი კამათი მოყვა ამ მოხსენებას.


ბრიგადელების ყოფნით გამხნევებული დარბიები ცეცხლითა და მახვილით გამოვიდნენ მიტროს წინააღმდეგ...

და დიმიტრი არა მარტო გადაირჩიეს და საბჭოდან გააძევეს, ასე გასინჯეთ, პარტკანდიდატობიდანაც მოხსნეს.

— მეტისმეტი მოგივიდა, მიტრო, — ეუბნებოდნენ მას მეორე დღეს დაძმარებული კულაკები, — ახლა თავიც დაიღუპე და ჩვენ ხომ გაგვანადგურე... ვინლა გვიგინდობს!


— რატომ ფეხი არ მოტყდათ იმ წყეულ ბრიგადელებს! — იწყევლება მიტრო, — ინდაური დავკალი, გოჭი და ქათმები არ მომიკლია და ყველაფერი წყალში ჩამიყარეს... ერთი ვიცოდე, ან ეს ხაზი ვინ მოიგონა, ან მისი გამრუდება, ან ეს გადახრები?!?

ბეკსიტი.



## ერთგული გადია

გერმანიის კონსტიტუციის 48 პარაგრაფი ჰიდენბურგს დიდ უფლებებს ანიჭებს. გენერალი თავს არხეინად გრძნობს.



# ნათესაური გრძნობა



სმკ.

პირველი მგელი: — შევსკამოთ ხომ ხედავთ—ცხვარია!  
მეორე მგელი: — რას ამბობთ ეს „ჩვენი ძმა“ ხოლო ცხვრის ჟურქშია!

# დ ვ უ რ უ შ ნ ი კ ე ბ ი

(იომორესტკა)



ქართული  
ბიბლიოთეკა

დენერტირკაზე  
იქ, სადაც ყაფხინა,  
სხედან ჯგუფებად თუ გაფანტულად  
ლოთები.

წინ: გუდუნია... ქიქები!... ბოთლები!;  
ვეღვინე — „სირაჯი“,  
ეს მწარმოებელ გლეხის ახალი მირაჟი  
ნაბდვილად — მატყუარა ჩარჩი,  
ჩამჯდარა ამ ხალხში,  
ღარღიმანდობს: ღვინოს უყარვს თუ... იყოფს  
ერთი სიტყვით: „დვურუშნიკობს!“...  
— მიირთვით კახური!..  
ჯერ არსად ნახული...  
ღვინო, წითელი...  
„ამთენი“... იმთენი!“..

და...  
სვამენ!..  
ზედ ტარნის კუდებსა სვამენ...  
ღვრიან...  
მიწას წითლად სვრიან...  
აქაც „დვურუშნიკობენ“ წინაშე წითელი ფერის!...  
შემდეგ—ხისა, ქვისა, სვეტის, საერთოდ  
— ვერტიკალურის ყველაფერის!...  
ლამის ბნელში,  
ქიქით და კვარტით ხელში,  
დაბრუნებულნი, მოდიან ქუჩაზე:  
წინ, უკან თუ განზე...  
გადანიხრებიან მარჯვნივ...  
გადმოიხრებიან მარცხნივ...  
ერთი სიტყვით: „დვურუშნიკობენ!“  
და ლოთურ წყურვილს ყოველდღიურად ასე  
იცხრობინ...  
ოი, ლოთებო, თქვენსა მზესა!  
სტყვით: მართალია თუ არა ესა?  
და მერე როგორა გგონიათ: ამაში სცოდნეს მარტო  
დენერტირკა?

საღდათის ბაზარზე, სადაც ვანქის ტაძარია,  
აბა, მიბრძანლით იქა!  
ეს ხალხი იქაც ისევე ჯგუფ-ჯგუფად ჩამსხდარია...  
მათ წინ—იგივე: ტიკი, კვარტი თუ ქიქა,  
გარემოცულნი ამ ლოთურ ჯგუფებით,  
ფეხებზე — ქუსლ-წათელილ წულებით,  
ხელებშაც — თავებიდან მოშვლებილ ქუდეებით!...  
ცხადია, თავი ხურს!  
ხუხავენ თეთრსა თუ წითელ კახურს,  
სვამენ ბოლოკს, ხახვს, პრასას თუ ნიახურს...  
შემდეგ კი „დვურუშნიკობენ“ ქუჩებზე:  
ხის მორგვებსა, რკინის ზოლებსა თუ ქვებზე...  
ზორძიკობენ... იქცევიან...;  
ივინებიან... იფურთხებიან...; ინთხევიან...;  
მერყეობენ, ქანაობენ თუ ირხევიან,  
საერთოდ კი — წინ ძლივს ძლივებით მიდიან  
ეს ლოთთა ამჩატებული ფეხები...  
მხოლოდ ვინ არიან ისინი, მათზე რომ ღვინოს ჰყი-  
დიან?

გგონიათ: მწარმოებელი გლეხები?  
ეს ყასილი სირაჯები.  
ძველი მიკიტნების ვახლავან მირაჟები!  
შეხვეულან ახალ ქურქებში,  
ჩამსხდარან ამ ლოთურ ჯგუფებში...  
(პირდაპირ ქუჩებში!)  
ქალაქში რაც ღვინო შემოდის, ასე იყოფენ!  
ერთი სიტყვით: „დვურუშნიკობენ“!  
ათრობენ ხალხს,  
იკეთებენ დახლს...  
დამდგარა მათთვის სრულიად ახალი ერა!  
საერთოდ — უცვლიათ რაღა, სახე!..  
იქნებ ვისმე ეს არა გჯერა?  
მაშ, მიდი რა საკოთარის თაბლით ნახე!...

ოენიძეა.

## რ ა ღ ი მ რ ა ი მ ნ ი ღ ა ს

ყვლავე ხელში ვიღებ ფოლადის კლან,  
მინდა მოვშინჯო წყობა რითმების.  
მოვსცხობთ იქ, სადაც უცქერით ვარაშს,  
ვთქვით სიტყვა, სადაც გამოითქმების.

თავზე ბალანი უკვე ამიღვა,  
ზოგთან კიდევაც ბოროტი დავრჩი.  
რას ვხედავ ამას, თვალი დამიღვა,  
საიდან გაჩნდა ამდენი ჩარჩი!

ვარ ბრივადირი მომარაგების,  
ჯიბეში მანდატს მეტრო აქვს განი.  
დავდივართ ერთად ამხანაგები,  
შემოვიარეთ სვირი და ვანი.

ვიძახი ასე: ნეტა რა მოხდა!  
საქმე უზურში რათ არ ჩამდგარა?  
გუშინ რომ ჩარჩებს სული ამოხდა  
საფლავებიდან ისევე ამდგარან!

რა არ ადგება, როდესაც იმათ  
პრინ უცქერის, არ უწევს ყურსა.  
აგანსებს აძლევეს გლეხობას წინათ  
ყურძენს აყენებს, ქირობს კურსა.

აგერ ვილაცა კუთავს ბებერი,  
აუკილია ტიკები მხარზე.  
ამბობს: — „გახლავარ პენსიონერი“  
უკვე ცოცხლდება საღურის ზარზე.


ყოფილს ქალაქის მიკიტანს დახეთ.  
მას სამარადოთ აუკრეს ბარგი.  
ოთხ გლეხს აკიდა გულები ვნახეთ,  
მას შეუცვლია ამრიგად დარგა.

აქ კი ტფილისის დალაქსა ვანოს  
მიუტოვია სარკე და დანა...  
რამდენი გინდათ, რომ მოვიყვანო,  
მაგალითს ვინმე ჩამოთვლის განა!

მესმის მორდობამ იყვრა დიდი:  
— ხაიმ, თუმანი მიეცი ფუთში! —  
და უპატენტოთ ვით ინვალიდი  
ელასტიურად ალაგებს ყუთში.

ველი ტარტაროზს შენს ახალ კანონს  
შენ გენაცვალოს ძნელოდლი სულში.

ძნელოდლი.



**მგზავრები:** — ხარი და კამეჩი რომ მიგყავთ, ჩვენ წავვიყვანეთ.  
**შოშმარი:** — ესენი იმიტომ მიგვეყვას, რომ — გზებზე როცა ავტო ტალახში ჩაეფლება, ამოღებაზე მოგვეხმარებინა!

## ჩემი მეზობელი

ჩემისანა კეთილი მეზობელი არ მგონია რომ ვინმეს ჰყავდეს. იმდენათ შეტკივთ ჩემზე გული, რაც უნდა უმნიშვნელო რამე მოხდეს ჩემს ოჯახში, აუცილებლად უნდა გაიგონ. წინააღმდეგ შემთხვევაში ავთ ხდებიან. იყო ასეთი შემთხვევა: მეწვია ერთი ნაცნობი კაცი. ეს ამბავი ჩემ კეთილ მეზობლებს არ გამოპარვიათ. სტუმარმა რაღაც ორი საათი დაჰყო და ისევ გაუდგა თავის გზას. მისი წასვლა და მეზობლების ოთახში შემოსვლა ერთი იყო. ერთმა მკითხა სტუმრის ვინაობა, მეორემ — მისი სოციალური მდგომარეობა, — მესამემ — სად მსახურობს და რამდენს იღებს ჯამაგირს, მეოთხემ — პარტიულია თუ უპარტიო, მეხუთემ — გელესიაში თუ დაიარება, მეექვსემ — რამდანი ჰყავს საჩინი... და სწვა.

ამ ორი დღის წინედ ასეთი ამბავი მოხდა: ერთი ნაცნობი ქალი მეწვია,

ეს ამბავიც ჩემი მეზობლების „შორსმჭვრეტელ“ თვალებს არ გამოჰპარვიათ — მაშინვე მოიყარეს თავი ფანჯარასთან.

სტუმარმა ადრე ინება წასვლა, თორემ ისეთ სრულ ანკეტას წარმოადგენდენ, რომ ვერც კა შესძლებდა მის შეესებას.

იმის ვალდებულსაც კი მხლიან, რომ ყოველ-დღიური ანგარიში ჩავაბარო ჩემი ყოველდღიური თავგადასავალის შესახებ.

და, აი, როცა აივსო მოთმინების ფილა უცბათ უჩინარმა ძალამ ყურში ჩამუჭირულა: — შე უხეირო, როდემდი უნდა იყო ამ არამკითხველის უფლებების გაცლენის ქვეშ! დასწერე წერილი და გაუგზავნე ყოვლად ძლიერ ტარტაროზს. იგი ისეთ მაგარ ლაგამს ამოსდებს, რომ სულ დაავიწყებს მათ სხვის საქმეში ხელის თათურს.

მეც მოვიღე კალამს ხელი და დავწერე სატარტაროზო წერილი, რომელიც ჩავედგი კონვერტში და ის იყო ვაპირებდი ფოსტაში ჩაგდებას, რომ ჩემმა მეზობლებმა ჩვეულებრივ შემთხვევას კარები და ერთხმათ შემეკითხნენ:


— რომელ შეყვარებულს სწერ მაგ წერილს!

ფიცი და მტკიცება არ გამივიდა. ერთმა მათგანმა ხელიდან გამომტაცა წერილი.

— უკაცრავად ბრძანდებით! — ცხვირ აწვეით გადმოხედდეს ჩემმა მეზობლებმა და ოთახიდან გავიდნენ.

— აბა ვნახოთ მაგ წერილი დაბეჭდილი „ტარტაროზში“ და მერე ჩვენ ვიცით! — დამემუქრენ ისინი.

ჯანიც გავარდეს. დღე მოხდეს რაც მოხდება.



მანქანის ხმაურობა ბეჭედის დროს მთელ ოთახს აყრუებდა, მაგრამ რეგისტრატორსა და საქმის მწარმოებელს ყური შეჩვეული ჰქონდათ.


გამგის თანაშემწე, რომელსაც მემანქანის ოთახის გვერდით ჰქონდა კაბინეტი, ნერვიულობდა მანქანის ხმაურობაზე, თუმცაღა მის კაბინეტში ძალიან სუსტათ ისმოდა მანქანის ტიკტიკი.

— ყველაფერი გამოიგონეს, მაგრამ უხმო „რემიგტონის“ გამოგონება არ იქნა — ფიქრობდა ის და დაცინვით ამბობდა: — აბა თუ კაი ბიჭები არიან ჩვენი ქუშა-გამომგონებლები, გამოიგონონ უხმო მანქანა.

მაგრამ „მეცნიერება და ტექნიკა“ არ ზრუნავდა ამაზე და მემანქანე ქალი ისევ განაგრძობდა ბეჭედვას მანქანაზე.

— ეს ოჯახდაქცეული ისე მაგრად სცემს თავის თათებს, რომ გვეგონებათ ბაქსიორის ხელთათმანები აქვს წამოცმული ხელზე; უშნო ყველაფერში უშნოა!

და ერთ დღეს მოთმინებიდან გამოსულმა თანაშემწემ გამგეს მოახსენა:



— მემანქანე ქალი თუ არ გადავიყვანეთ იმ ოთახიდან სადმე შორს ჩემგან, მუშაობა არ შემიძლია. ყურები მტკიავს. პირდაპირ ჩაქუჩივით მცემს თავში მისი მანქანის ხმაური.

იმ დღესვე მემანქანე ქალი შორეულ ოთახში გადაიყვანეს.

თანაშემწეს აღარ ესმოდა მანქანის ხმაური.

— მოვისვენე! — ამბობდა დამშვიდებული თანაშემწე.

თანაშემწე აღარ შედიოდა მემანქანისთან. სამუშაოს საქმისმწარმოებლის ხელით უზავნიდა.

მემანქანე ქალი შევებულებაში წავიდა.

მის მაგიერ ახალი მემანქანე მოიწვიეს.

ერთ დღეს საქმის მწარმოებელმა თანაშემწეს ახალი მემანქანის მიერ გადაბეჭდილი მასალა შეუტანა კაბინეტში.


— ეს რასა ჰგავს! ამდენი შეცდომა გაგონილა გადაბეჭკვლაში? ბრუციანი ხომ არ არის ის ოჯახდაქცეული, რომ ასოებს ვერ ამჩნევს და სტრიქონები ირიბულად გამოჰყავს! — გაბრაზდა თანაშემწე და გულმოსული წავიდა მემანქანისთან.

— სახეში მიგაყრი ამ გადანაბეჭდს! — ფიქრობდა დერეფანში მიმავალი თანაშემწე.

კარები უტბათ შეიღო და...

მემანქანე სარკეში იცქირებოდა და ტუჩებზე საღებავს იყვამდა.

უკაცრავად! ხელი ხომ არ შევიშაღეთ... უხერხულ დროს შემოველ! — მოიბოდიშა თანაშემწემ.




— არა უშავს... როგორ გეკადრებთ! — განაზღაურებდა მემანქანე.

— ასე მიყრუებულ ოთახში როგორ გაძლებთ მართოკა! ჩემთან გადმოდით კაბინეტში. ეს უფრო უმჯობესია საქმისათვისაც. მე გიკარნახებ და თქვენ დაბეჭდავთ... დიას ჩვენს კაბინეტში აჯობებს!

დარაჯი და დამლაგებელი ქალი სიცილს ვერ იმაგრებდნენ, როცა „მემანქანის მოწყობილობა“ თანაშემწეს კაბინეტში გადაჰქონდათ.

აკი თქვენ მემანქანე „იქ“ გადაიყვანეთ, რადგან ამ ოთახში თითქოს ხელს გიშლიდათ მანქანის ხმაურობა! — ეშმაკური ღიმილით უთხრა გამგემ თანაშემწეს.

— ჰო, დიას! მაგრამ, საქმე იმაშია, რომ რაციონალიზაციასთან დაკავშირებით და იმიტომ, რომ საქმემ ასე მოითხოვა, აქ გადმოვიყვანე. მე თვითონ უკარნახებ და იქ სიარულში დრო აღარ დაიკარგება.



მთელი ერთი თვე მემანქანე ქალი თანაშემწის კაბინეტში მუშაობდა. მანქანის ტიკტიკი თანაშემწეს ისე ატკბობდა, როგორც კარგი ოპერა.

მემანქანის შევებულებიდან დაბრუნების წინა დღით თანაშემწემ დარაჯსა და დამლაგებელს ისევ გადაატანა „მემანქანის მოწყობილობა“ „შორეულ ოთახში“.



# პანქის ეკლესიის გალავანები



მარისტა: — მთლად გამოსულელდა ეს საწყალი ღმერთი. მას ჰგონია — თითქოს მორწმუნეთა დღეობაა!



მამულისათვის თავდადებული შვილო ვახტანგო!

ბიჭო, ამ ოჯახ ქორმა კომუნისტებმა ქე არ ჩაგვაშხამეს მე და დედა-შენს შერთან ჩამოსვლა მოსკოვში! ამიხიბდნენ: დასაბუთებული ანგარიში წარმოგვიდგინე — რაში რა დახარჯე და ვის რა მიეცოო ექსკურსიისათვის მოგროვილი ფულებიდანა.

დასწყევლოს ღმერთმა და სამას სამოცდა ხუთმა წმინდა გიორგიმ ამათი თავი! მამა უცხონდათ მათ საბუთებს წარმოუდგენდი. რას მიქარავენ? ფულები ხომ შესანახავად არ მოუციათ! დახარჯე რაშიაც საჭიროებამ მოითხოვოსო. მეც ავდექი და დავხარჯე გემოზე. რაც გადაამრჩა და ეკომონია გავაკეთე, ის კიდევ გადავუძახე კოლოფში შავი ღღისათვის. (და მართლაც შავი ღღისათვის დამჭირდა. ამაზე უფრო შავი ღღე განა როდისმე დამადგება, ესლა რომ მე მაღვია!).

ჩამაცივდნენ და აღარ მომეშვენენ: — რაც ფული გადაგრჩა, დაგვიბრუნეო. ისე მამა უცხონდა მათ, მე მათ ფულები დავუბრუნეო. ცივი უარით გვარიანი მაგარი ბრაზი დავაყოლე: — თქვე ყურუმსაღებო, რა ფულები დაგვიბრუნოთ- სახარჯოთ აკი მომეცით და კიდევ დავხარჯე, შესანახათ განა ხომ არ მოგიბარებიათ-თქო.

მაგრამ საასთორიც არ გამოვიდა, ხომ იცი, შვილო, რომ ესენი თქვენზე, მენშივიკებზე, უფრო მაგარი დისციპლინის ხალხია, მაგრად მომკიდეს ხელი და იმ გადამაღულ, ორიათასი მანეთიდან ჯერ მხოლოდ 600 მანეთამდე! ამომაჩენის.


ათუსს- ჩემი ეკომონით და რეემ ეკომონით ჩამორჩენილო და ექსკურსანტების ნაშიმშილარო ფულებო! ეს, ჩემო თავო ოხერო, ეს რა სიგლახე ჩავიდინე! თუ ასე წავიდოდა საქმე, რას დავიძებდი ეკომონიას, ბარემც ისეც იმ შშიერი ექსკურსანტებისათვის მეჭმია. აწი კი რაც შეიძლება ვეცადები, რომ დანარჩენი 1400 მანეთი მაინც აღარ ჩამომართვან. მე ველო, შვილო, ესლა კიდევ ძალიან მაგრად დამაპანლურებენ

სამსახურიდან; ამას აქედანვე უნა შეიძრივდეთ.

მგონია ვერაფერი მიქნან, რადგან თბილისში და აქაც ბევრი დამხმარეები მყავს, მხოლოდ ესლა შენ გაფრთხილებ: ხომ იცი, ამ ღვთისაგან დაწყვე კომუნისტებს ობობასავით ყველგან ქსელი აქვთ გაბმული და შეიძლება აღმინისტრაციამ დაგკითხოს: ამა შენს ნაღდ ფულად შენთვის ხომ არაფერი დაუტოვებიაო... შენც მოკლეთ და მოჭრით უბასუხე „არაფერი თქო“. მერე დამუშე ტუჩი და დაადე ბოქლომი ენაზე მაგრათ, არამც და არამც არ წამოგაცდევინონ, თუ ორდაათი თუმანი ნაღდად დაგიტოვე, თორემ ქე მე გა... ვენ, რატომ დაუტოვეო.

ამ წერილს დაზღვევულს გიგზავნი, სხვას არავის ჩაუგდო ხელში. ისე კი მაგრად და დიპლომატიურად დაიკავე თავი. მენშევიკებთან იმენშევიკე, ბოლშევიკებთანაც იბოლშევიკე, თავად - აზნაურთან შენც ითავად-აზნაურე. თავი ისე გეჭიროს, ვითომ თავადი ხარ და ვინც არ გიცნობს ისე მანდ ყველას გააცანი თავი გრუზინსკი კნიაზ ბარიატინსკი ვართ-თქო. მართალია, თავად - აზნაურობის წოდება მოგვიშალეს, მაგრამ ჯეო კიოიო აქვს ფასი და ვასავალი.

ასე ჩემო შვილო. მამაშენი გეგარსი ბარათაშვილი. წერილის ხელში ჩამგდები კვანძი.



## ჩვენებური სტუმრობა — ნუ კვონია ხუმბრობა



— სად მიბრძანდებით მთელი ოჯახი და ნათესაობა?  
— ქალაქში მივდივართ, ჩვენს სიძეს ორი ოთახი უშოვნია.



სიღნაღის „ეპოს“ გადარჩევები დამთავრდა.

მეორე დილით „ეპოს“ ყველა მოსამსახურე აღრიონ გამოცხადდა სამსახურში. ელოდებოდნენ ახალ გამგეობის და განსაკუთრებით კი ახალ თავმჯდომარე გეურქა იარალიანს მობრძანებას. ყველანი ადგილებზე ტოკავდნენ და კარებისაკენ იყურებოდნენ.

უცბათ კარი გაიღო და... ყველანი ფეხზე წამოხტნენ და მისასალმებლად თავი დახარეს, მაგრამ თავმჯდომარის ნაცვლად შეეჩებათ მეურმე გიორგა.

ერთხმით გადაიხარხარეს...

როცა ხარხარი მიწყდა, გარედან მაღალი ხმა გაისმა. ყველა გაქევადა. ახალი გამგეობა მობრძანდებოდა.

— ეი, ბიჭო, შენ ამერიიდან აქ კარებში ვაჩერებდი და უნებართვით არავის შემოუშვებ; ეყობ აქამდე რაც თავის ნებაზე ისეირნეს. — მოსმა ხმა.

— ბატონი ბრძანდებით; როგორც მიბრძანებთ ისე მოვიქცევი, მაგრამ შიკრიკის მოვალეობას ვინდა შეასრულებს?

— შენი საქმე არ არის! — მკვახთ უპასუხა გეურქამ, — სხვას დავიჭირავებთ.

კარები გაიღო და შემოვიდა გეურქა მთელი თავის ამალით. მიიხედ-მოიხედეს და შევიდნენ კაბინეტში:

— აქ ჩვენ ყველა ვერ მოვეწყობით, ახალი კაბინეტები უნდა გავმართოთ.

დაადგინეს: „ამ საქმეზე გადაიდოს 2.000 მანეთი“.


შემდეგ გამოიმუშავეს განაწესი, თუ ვინ უნდა დაიდვას ცალკე ტელეფონი, ზარი და სხვა.

თავმჯდომარე გეურქამ ჩამოსწერა:

- 1 ზარი — ბუღალტერს;
- 2 ზარი — მონაგარიშეს;
- 3 ზარი — საქმის მწარმოებელს;
- 4 ზარი — მოლარეს;
- 5 ზარი — საწყობის გამგეს;
- 6, 7, 8, 10, 15; 20; 30 — ზარი.

როცა თავმჯდომარე ერთდღოულად რამდენიმე თანამშრომელს გამოიძახებს და ზარს დარეკს — გეგონებათ შენობაში ტფილისის ტრამვაის ახალი ვაგონი შემოიჭრა და ვატმანი ხალხს აფრთხილებს ზარების რეკითო.

მორიელი.



— არიქა! პური იზნევა!

ქონლშტისარი — კი არ იზნევა, „თესვის კამპანიას“ ვატარებ.

თავგადასავალი

### ფერილი უვილს ქუთაისიდან

შვილო ანტიბ! რამ დაგამუწავა სახეჯერობის კედლის გაზეთვით და წერილს აღარ მწერ?

აქაურ ამბავს თუ იკითხავ, ყველაფერი რიგზეა, გარდა მუსკოპისა.

ქუთაისის სადღურზე მიღებული ნავთი, უკანვე დააბრუნა, — არ გვინდა მეტი, ადგილი არ გვაქვსო.

გიგზავნი, შვილო, ერთ წყვილ მატყლის წინდებს ნავთის „ორიერდში“ დგომის დროს მოქსოვილს.

შენ რომ იწერები — ვანია ორლოვს რა მოუვიდაო, არაფერი იმისთანა. სულ მალაზიის გამგებთან ჰქონდა ძმური კავშირი. მიშამ და ვანიჩკამ (მალაზიის გამგებია) უზიდეს და უზიდეს რჩეული პალტოეო, ფესსაცმელები, ფართალი და თუ რაიმე კარგი ჰქონდათ გადანახული მალაზიის უკანა ოთახში. სამაგიეროთ ორლოვმა უფუშქაშა მიშას პარტიაში შესაძრომი ექვსი თვიანი სტაჟო. ამიზა ქე დაადვეს ორლოვი ქონიან ნაჩაბზე, მარა „ღმერთი არ გასწორავს კაცს ბედისაგან განაწირს“ ახლა ისევ ახალი პორთფელით დადის.

შვილო, საშა მარგველაშვილს უწინ „მემარცხენე“ წყალობდა, ახლა მემარჯვენე ოუნდა და ფერომარჯვენეცში ჩააფლო.

ქე ამბობდნენ და არ მჯეროდა, მარა აწი დევიჯერებ, რომ „მემარცხენე“ — მემარჯვენეს ვატარებოც ყვარებათ, თვარა მარგველაშვილს რა უნდა სამსახურში!

მაგ კი არა და, რა გეიგონა ჩემნა დასაფსებმა ყურებმა! ვასილე ძოწენიძე, ქე რომ ვატრობდა მეთევზეებში, ბლაზხანაშიაც სამიკიტრო ქონდა მგონი, აი ის, კიბულაში და ერეშუეს დუქანში არღნებზე რომ უყვარდა ქიფი, თავზე მოთლებს დადგმა რომ იცოდა, ქე რომ სახლები ეიშენა ჩვენს ზევით მახარაძის ქუჩაზე, — სწორედ ის ვასო „გოსტოროგში“ გამგის მოადგალეთ ყოფილა ახლა.

გამსახლში შვილო, ალბად იმდენი პატიმრებია ამაჟამად, რომ იასონა კოსტავამ 2.500 მანეთი შეუქვაპა მუსკოპს, მარა ადგილი ვერ მიუჩინეს.

შენი დედა.

# „ღმერთმა ინებოს“



(სცენა ქუთაისის განათ. მუშაკთა კავშირში)

**მელიტონი:** — არიქა, არიქა, მიშველეთ, ქალს კანცელარიაში გული წაუვიდა. მაჯა აღარ მუშაობს, ფერი ფერი დაკარგვია და გულსაც ცემა შეუწყვეტია (მივარდება ტელეფონთან) წკრ - წკრ-წკრ... სადგური! სადგური! სადგური! დაგეჭვა ოჯახი... არიქა ფეხით მაინც გამეგზავნეთ კაცო თორემ შემომაკვდა ავადმყოფი ხელში!

**ვანიკა:** — დაურეკეთ კიდევ სადგურს, იქნებ ეხლა მორჩენ შეყვარებულ ბზე ლაპარაკს.

**მელიტონი:** — სადგური! სადგური! სადგური!

— რა გენბავთ?  
— თქვენი ჯანდაბა. მომეცით სასწრაფო დახმარება.

— საავადმყოფო?  
— სასწრაფო დახმარებას „გთხოვ, არ მოგეცეთ არაფერში დახმარება.

— ნომერი მითხარით.

— 1-90.

— ტელეფონი „უეე“ აღარ აქვთ მათ!

— მომეცით, აბა, ჯანმრთელობის განყოფილება.

— ქალიშვილები ელაპარაკებიან მათ და არ სცალიათ.

— აბა წითელი ჯვარი მომეცით!

— მზად არის, დაურეკეთ!

— საიდან არის?

— გისმენთ საბჭოთა აბანოს მორიგე.

— კაცო, რათ მინდა აბანო, მომეცით წითელი ჯვარი, გაგიწყრათ ჯვარიცა და ხატიც.


— წით. ჯვარი გინდათ? აგრე იტყვოდი, შე კაცო!

— წკრ... წკრ... წკრ...

— გისმენთ წითელი ჯვარი.

— თუ ძმა ხარ, ქე იცით თქვენს ახლოს არის განათლების კავშირი. თანამშრომელი ძალიან ცუდათ ვახდა და საჩქაროთ გამოგზავნეთ ექიმი.

— ამხანაგო, ჩვენ ექიმებს არსად ვგზავნით. თუ ჩვენ ვესაჭიროებით, თითონ მოვიდეს ავადმყოფი ჩვენთან.



— ჩემ სახლში წამოიღე ამხანაგო ეს საქონელი მგზავრი: — არ ენდო კოოპერატივის ნოქარია; თავის სახლში წაიღებს!

— კაცო, შედით მღვდმარეობაში, თანამშრომელი გეცვდება და გამოგზავნეთ ექიმი, უკიდურეს შემთხვევაში ფერშალი მაინც, რომ კამფორა შეუშხაუნოს.


— ფერშალს, კარგი გამოგზავნით; დაათვალებს აგრე რალაც 40-მდე ავანტიფის ნემსის გაკეთებას და წაშოვა.

საათის თერთმეტზე ველირსეთ წითელ ჯვრის ფერშალს მოსვლას.

— ეს არის ავადმყოფი? ჰაა, ცხა-

დია ცუდათაა, მაგრამ რა გაეწყობა. მე ნემსი წამოვიღე, მაგრამ ქაფურ არა მაქვს, თუ თქვენ გააქვთ, შეშხაუნებას არ დაგამადლოთ, თუ არა და რა ვქნა, მე ხომ მისი გამზადება არ შემიძლია. დაუძახეთ „სასწრაფო დახმარებას“, მაგრამ ის სამი დღია რემონტშია და ოთხი დღე კიდევ დაგვიანდება. მე მივდივარ... რა გავაკეთო აქ! შევიდობით. ღმერთმა ინებოს მაგის მორჩენა.

შვილი



კულაკი: — სად მიხვალ, სად, ჩემო გადამაღულო ქონებავ!



# ყ უ მ ბ ა რ ა

ვინ დასთვალოს რაჟღენი, ცოდვები გაქვს რამდენი.

სადგურის უფროსი რაჟღენ მგელა ძე ცნობილი შავრაზმელია. მისი წარსული შავით არის შემურული. რაჟღენი არ ჩამორჩება მის გვარისკაც დიმიტრი მგელაძეს, რომელიც გურიაში ცნობილი შავრაზმელი იყო.


მცოდნე.

მუშები-თქო თავს დამესხენ შურს ეძებენ ჩემზედო. დამიჯერეს და მთელ სოფელს მაგრად სცემეს ზურგზედო; რაჟღენისო შეწუხება კაცმა როგორ გაბედაო. სახლისკაცი რითი არას უკეთესი ჩემზედო?

ვასო მაქაცარიამ კოლექტივი აჩია! სოფ. ზუგდიდი

თავისი ცული მოქმედებითა და საქციელით ვასო მაქაცარიას არეულობა შეაქვს ადგილობრივ კოლექტივში.

ვასომა სთქვა: კოლექტივში ხმას ვინ დაძრავს ჩემზედო? თუ გაბედა,—ვაი მის ტყავს, ეტირება მას დღეაო. ღენის სმაშა ვინ მაჯობებს, კვარტს ვიწურავ ფრჩხილზედო. მთელს კოლექტივს დავაყენებ ყვირილითო ფეხზედო. რა ვუყოთ, რომ ბევრი ფული ირიცხება ჩემზედო. სდაც ვიყავ ბლომად გავეკარ, ქონად მადევს კუჭზედო.



— მართლაც გასაკოჭავია ამ სადგურის უფროსი!

რაჟღენმა სთქვა: ჩემთვის ვზივარ ვერვან მოვა ჩემზედო. საკოჭაოს მივმალულვარ აგარაკის მთაზედო.

აქ ვივონებ წარსულ დღეებს, ხალხს რომ ვაჯექ ზურგზედო. გავსწიე და გამოვსწიე ისევ დავრჩი თავზედო.

ძველ დროს ცემში თავის ოთახს თვით დავესხი თავზედო.

ქვით ფანჯრება ჩავულეწე, ჩირგვში ვიჯექ მთაზედო.


ჟანდარმს ვუთხარ:—დამიფარეთ, დმერთს ვლოცულობ თქვენზედო.

ჩვიდმეტში მეც შევიცვალე იმდროინდელ ფერზედო.

თითქოს ძალზე გამიხარდ მე ვდგებოდა ცერზედო. მენშევიკნი რომ წავიდნენ სევდა მაწივს გულზედო.

გავიხედე სერზედო, ელდა მეცა გულზედო: დავინახე — მუშგლებკორი აგერ მოდის ჩემზედო.

გამწივენ და გამომწივენ, ცოდვებია შენზედო. ამომკრავენ პანლურსა და გამაგდებენ თხლეზედო.



კოლექტივის ბეჭედი ვასო მაქაცარიას პროექტით.

ხელს მაფარებს ჩემი სიძე, კან რას იტყვის ჩემზედო, ტყუილად ხომ არ მკილია ჩეგოლვერი წელზედო?!

## დებეშა ნიგვზიანიდან

ნიგვზიანი.

დღეს დილით ნოქარი ჭიჭიკო კოოპერატივის კარებს აღებდა, შიგნიდან საშინელი ღრიალი მოესმა. ჭიჭიკოს შეეშინდა—კოოპერატივის ძარცვავენ ქურდებიო, და გაიქცა მილაკიაში. მაშინვე დაიძრა შეიარაღებული მილიცია, რომელიც ქურდებს კოოპერატივის გარშემო ჩაესაფრა. როდესაც კარი გააღეს (მალიციას თოფები მომარჯვებული



შქონდა სასროლად), კოოპერატივიდან გამოვარდა ორი შეყვარებული ძალი, რომლებიც აქვე შეიპყრეს. ერთერთი ძალი ჭიჭიკოსი აღმოჩნდა. ზარალი უმნიშვნელოა. გულმოსულმა ჭიჭიკომ შესაფრა ზომები მიიღო ძაღლების განსაქორწილებლად. გამარჯვებული და ომგადახდილი მილიცია ბანაზე დაბრუნდა.

მნახელი.

## ნიკა ფერულის სიძლარა (ძირულა)

აბა დელი, რაშო-რერა, ოდელია, დელი, დელა... ძველებურად საქმეს ეხლაც ვაჭახრაკებ ნელა-ნელა.

თუმც აქ ჩემი ცული ქცევით მთლად გლახობა გადმემტერა. მერე რაა, თუ მიწოდეს: მლიქვნელი და გაიძვირა. ღარიბია თუ მდივარი სულ ერთია ჩემთვის ყველა. კოლექტივის წევრს გასაშინჯს ვაშლემ ზურგზე თუმანს ხელად.

არ მაქვს ნება და ყალბ რეცეპტს მაინც ვწერამ უღარდელად; ხელს კვაჭურად ვაწერ-ეჭიმ ნიორადის მაგიერად.

ტაში ტუში, რერო-რაშო, ჩემო ცოლო, ჩემო მამო... ყარადღებას არ ვაქცევენ ვიჯირათოთ ვიპარპაშოთ. ძირულელი თაღა.

## ბ ა თ ო შ ი

ტელეფონი რომ მშენებრი არის კავშირისათვის, დღეს ეს ყველასათვის ნათელია. აი, მაგალითად, გიდგათ ტელეფონი მაგიაზე; სრულიად შეუწუხებლად, (თუ მორიგე ქალი გაჯავრებული არ არის) გააბავთ საუბარს ვისთანაც გინდათ.

შეყვარებულთათვის ხომ ტელეფონი მისწრებაა! ვერც გაწითლებას შეგამჩნევს სატროფო და უფრო თამამადაც ლაპარაკობ.

ერთი სიტყვით ტელეფონი მეტად საჭირო რამ არის.

ეს წინასიტყვაობა იმისათვის დაგეჭირდა, რომ ბათუმის ცნობილ აბანო „ლონდონში“ ახალი გამოყენება აქვს ტელეფონს. შეგიძლიათ ჩვეულებრივ აიღოთ ტელეფონის მილი, ჩასძახოთ შიგ ბარიტონით (ბაასი ხომ კიდევ უკეთესია), და შეუკვეთოთ აბანოს ხომეო. მიხვალთ დანიშნულ დროზე და ორასი კაცი რომ იდგეს რიგში, იმ წუთშივე ზიზველ საბანოდ ნომერში.

კონსტენკო



— ამხანაგო, ურავოთ არ შეიძლება!  
— როგორ თუ ურიგოთ! ტელეფონით შეუკვეთე!

## მართი კოვზით

## ხ ა თ ა



სტენა ზოგიერთ სასადილოში

— ჩამოდი ეხლავე ძირს! მრისხანედ შეძახა სოფრომას მილიციელმა და თან მაგრად წაავლო ხელი ფარჯის კალთაზე.

— რატომ! რას მერჩი? მერქარება, მინდა წავიდე.

— ჯერ გადაიხადე „შტრაფი“ და მერე საღაც გინდა იქ წადი.

— რისთვის მახდევინებ „შტრაფს“! განა სოფლელებს არა გვაქვს უფლება ამ ვერანა ტრამეიაზე დაეჯდეთ!

— ნება როგორ არ ვაქვთ, მაგრამ შენ რომ ჯდებოდი, არ იყო სულ მთლად გაჩერებული ტრამეია.

— ხომ დავუჯექი! ხომ არაფერი მტყენია! ხომ არავინ შემიწუხებია! რას მერჩი?

— თუ ბევრს ილაპარაკებ, მენეთი კი არა, ხუთი მანეთიც ვერ გიშველის! — დაემოქრა მალიციელი გ. ხორაშვილი.

რაღა ჯანი ჰქონდა! გადაიხადა ჯარიმა სოფრომამ. მილიციელს კი ქვითარის მიცემა „დაავიწყდა“.

წავიდა მეორე ვაგონით. ოპერის თეატრთან ჩამოხტა.

— მოქალაქე, გადაიხადე „შტრაფი“! — დაუყვირა მას მილიციელმა.

— „შტრაფი“ ეს არის ეხლა გადავიხადე „ერევანსკზე“.

— რა უყვით, რომ იქ გადაიხადე! ანლა „გოლოვინცკზედაც“ უნდა გადაიხადო.

— რათა? რისთვის!  
— იმისათვის, რომ უკანდინ ჩამოხტი.

— მერე რა უყვით! ვერა ხედავ რამდენი ხალხი გაჩხირებულა შუაში? მე სანამ წინამდე მივიდოდი, ხომ წავილოდა ეს ვერანა! თუ აგრეა და ისევე წაველ ამ ვაგონით...

— ჯერ ჯარიმა გადაიხადე, და მერე სად იინდა იქითკენ წადი. გადაიხადა სოფრომამ ჯარიმა და გაემგზავრა.

მუშკოვოპის წინ ჩამოხტა, მარა ვაი მისთანა ჩამოხტომას.

— სად ვარბისარ! გადაიხადე „შტრაფი“! — შეყვირა მას მილიციელმა.

— კაცო, თქვენ შემოჩენილი ხომ არა ხართ! ვინ გგონივართ მე თქვენ!

— დაიყვირა მოთმინებიდან გამოსულმა სოფრომამ.

— მაშ, ასეა საქმე! აბა წამოხტანდით კომისარიატში და იქ გამოეარკვევ ვინცა ხარ.

— რატომ, გეთაყვა, რაშია საქმე?

— საქმე იმაშია, რომ შენ მიმავალ ტრამეიდან ჩამოხტი.

— ჩიმი რა ბრალია, კონდუქტორი უნდა დაშტრაფო, რომ გაჩერება დაავიწყა.

— გაჩერება გადატანილია! იძვრე ჩქარა ოფლიანი მანათი!

ძველი

# შეკითხვები და პასუხი

ალგ. თავმჯდომარის მოხსენების გარშემო

**შეკითხვა:** — როგორც თქვენი მოხსენებიდან ჩანს, თქვენ ამ საანგარიშო პერიოდში ჯერ-ჯერობით ვერაფრის გაკეთება შესძელით. მოკლეთ რომ ვსთქვათ, ვერ უფლიდით სოფელს.

**პასუხი:** — როგორ თუ ვერ უფლიდი! კვირა ისე არ გაივლიდა, რომ ორჯერ მაინც არ შემომეწვლო მთელი სოფელი ჩემი ცხენით. გაკეთებით კი, ეხლა გავეცანი მდგომარეობას და მომავალში გავაკეთებთ. „აჩქარებიათა სოფელი არავის მოუტამია“...

**შეკითხვა:** — მიეცით თუ არა ყალბი მოწმობა კულაქის შვილს, თითქოს ის ყოფილიყოს საშუალო გლეხი?

**პასუხი:** — ამხანაგო, ალბათ თქვენ არ გესმით სიტყვა „ყალბი“. მოწმობა ყალბი საიდან იყო, როცა ხელიც მე თვით მოვაწერე და ბეჭედიც ჩემი ხელით დავაწვი ზედ.

**შეკითხვა:** — მიღწევაში რომ აღნიშნეთ — 350 ბავეშის დაბადება, რა საერთო აქვს ამ საქმეს თქვენს მუშაობასთან?

**პასუხი:** — როგორ თუ რა! ამ „350“ ბავეშთა რიცხვში ორი ჩემიც ურევია.

**შეკითხვა:** — გაქონდა თუ არა კულაკური გადახრა?

**პასუხი:** — არა ყოველთვის; როცა დამპატიებდნენ, მხოლოდ მაშინ გადაუხრიდი ხოლმე.

**შეკითხვა:** — რატომ არ არის შეკეთებული სკოლის შენობა?

**პასუხი:** — მე როგორ უნდა შემეკეთებინა, როცა არც ხის ხელობა ვიცი და არც ქვის; ვინც იცის, მათ არ შერცხვათ და არ შეაკეთეს.

**შეკითხვა:** — რამდენი კაცი დაიხრჩო საანგარიშო პერიოდში ჩვენი სოფლის შარა-გზების ტალახებში?

**პასუხი:** — ეგ მე პირველად მესმის! ჩვენს სოფელში ჯერ-ჯერობით იმხელა ტალახი არაა, რომ მუხლის ზევით წვდებოდეს კაცს.

**ქაუნთი.**



— კაცო, კოლექტივში კულაკი გერახიმე როგორ მიიღეთ?!

— არ იცი რა ოხერია! შემოგვეპარა ის წყუული!

# გოგოგრი

15  
გოგოგრი  
გოგოგრი

პირაპიტას (ძირულა) გელაშვილის შესახებ სწერათ

როცა ჩვენ აქ შევუდგით

არჩევნების სამზადისსო—

ეს დავითი დაფაცურდა,

ძირულაში მუდამ სდისო.

წუხელის ვნახე სიზმარი

ხაბჭოს ვუდექი თავშიო.

ძველი დრო მაგონდებოდა,

აღარ ვეტიე ტყავშიო.

ხომ გაგეგონიათ — „მელას რაც აგოიდა...“ — ვე ვსიზმარებოდაო“ ალბად დავით გელაშვილიც მელას ჯიშის ყოფილა. მელას ჯიშის ყველა სიზმარი რომ ხდებოდეს, მაშინ ოპორტუნისტების „წინასწარმირკველება“, რომელიც მათ სიზმარს ემყარება, ამდენხანს ახდებოდა.

**ქონეს (მათიში).** ჩვეულებრივი მოვლენაა; ამაწარ საქმეს ყოველთვის ასეთი ბოლო აქვს. ამიტომ რა გასაკვირია, რომ:

რაკანაძე „გრუზგოსტორგში“

ფულით გაძდა გაიბერა

გატუზდა და გადიდკაცდა,

ჩვენი მან არ დაიჯერა...

პო—და, ახია მასზე თუ:

„ოგეპეუმ“ დაიბარა,

გამოჰკითხა მას ამზავი;

გამოჰკითხა და შემდეგ კი

შიგ გამსახლში უკრა თავი.

საქმე, ის არის, რომ გამსახლიდან ისევე „გოგოგრი“ არ ანოჰყოს თავი. (ასეც ხომ ხშირად ხდება).

**ლამაზს (აქვე).** ლამაზი კაცი თუ ასეთ უშრო ლექსს სწერათ, ვერ არის კარგი საქმე:

„დადგა ზამთარი, შემოდგომის უგულო ღამე“.

ეს როგორ! ზამთარს არა აქვს თავისი ღამე. გაგვაგებინეთ — ზამთარი შემოდგომისაგან მარტო ღამეებს სესხულობს, თუ—დღეებსაც?

**ზრ. ქაპაბზ.** როგორ გაჭირვებულ მდგომარეობაშია არ უნდა იყოს სტუდენტი, ასეთი ლექსის დაწერა არ ეპატიება. საკვირველია, არავინ გაიძულებთ ლექსის წერას და თავს მაინც რატომ იმტკრევთ ამ ბლაგვ რიმებზე!

შევდივართ რა თქვენს გაჭირვებულ მდგომარეობაში, გიბეჭდავთ შემდეგ ტაეპს:

სტუდენტთა სასადილოში

მიწრიალდება გულიო.

იქ აღეზაზე სადილის

უნდა შესცვალო რჯულიო.

რატომ არ გვატყობინებთ, თუ რომელი სარწმუნოებისა ხართ და გამოცვლის შემდეგ რომლის მიღებას აპირებთ!

**ნიშადურს (დუშეთი)** გეწერთ, რომ პურის დამზადებამ დააშინა „ეპოს“ გამგეობის თავმჯდომარე მანჯგალაძე, რომელმაც

ცრემლი ღვარა კულაკებზე:

„ცოდვა არის... ნუ ვსთხოვთ პურსო

თორემ გზაში დამსვდებიან,

ამიწვევენ მაგრად ყურსო.

ნუ შემარცხვენთ მე იმათთან.

სიტყვა მივეც — დავიფარო.

საშუალო და ღარიბებში

რაც შევკრიბეთ — ის ვიკმაროთ.

ნიშადური თანვე გაქვს, ხოლო თუ საჭიროა ქონიანი ნიჩაფი, გამოგიგზავნით.



ოპორტუნისტი: (მღერის) „ჩვენ მხარი მივსცეთ ჩვენს ჩაგრულ მოძმებს, კულაკებს ხელი ჩვენ გაუწილოთ“...